

四庫全書

史部

欽定四庫全書

史部

欽定大清會典則例卷一百十五

詳校官檢討臣劉 炳

編修臣程嘉謨覆勘

總校官原任中允臣王燕緒

校對官中書臣朱 炳

謄錄監生臣蕭志鴻

欽定四庫全書

欽定大清會典則例卷一百十五

兵部

職方清吏司

詰禁

一保甲

國初定凡州縣鄉城每十戶立一牌頭十牌立一
甲長十甲立一保正每戶給印牌一張書姓名

丁數出則記其所往入則稽其所來其客店亦
令各立一簿將每夜宿客姓名所帶行李牲口
及作何生理往來何處逐一登記明白至於寺
觀亦分給印牌上書僧道人數姓名稽察出入
如有奉行不力或徒委吏胥需索擾害者叅劾
照例議處○康熙二十五年題準近京屯莊旗
民雜處各州縣將旗民均編立保甲各立甲長
稽察盜賊如有面生可疑者即拏送地方官訊

究倘甲內旗人為盜或屯領催窩盜者即解送
刑部治罪○三十六年覆準八旗暨內府佐領
下人有在近京地方開窩者亦令地方官編立
保甲令甲長不時稽察如在地方生事即解送
刑部治罪○雍正四年

諭弭盜之法莫良於保甲乃地方官憚其煩難視為具
文奉行不實稽察不嚴又有藉稱村落奇零難編保
甲至各邊省更藉稱土苗雜處不便比照內地者此

甚不然村莊雖小即數家亦可編為一甲熟苗熟種
即可編入齊民苟有實心自有實效嗣後不實力奉
行作何嚴加處分保正甲長及同甲之人能據實舉
首者作何獎賞隱匿者作何分別治罪著九卿詳議
具奏欽此遵

旨議準嗣後每戶給印牌一張書姓名丁數偶有出入
必使注明不許容留面生可疑之人若村落奇
零戶不及數即就數編立至熟苗熟種已經向

化應一例編立保甲如地方官不實力編排以致盜賊窩藏將州縣及營汛專管官照不能察緝姦民例降二級調用兼轄官繫同城者降一級調用不同城者降一級留任能察出詳揭者免議保正甲長牌頭及同甲之人果能實力察訪據實舉首照捕後獲盜過半以上例地方官按名數酌量獎賞倘牌頭於所管內瞻徇隱匿事發之日繫強盜照不應重律折責繫竊賊分

別輕重酌量懲警若牌頭曾於甲長保正處首
告不據實轉首者一經發覺甲長照牌頭減一
等發落保正減二等發落牌頭免坐若屯堡村
莊聚族百人以上保甲不能徧察者選擇族中
人品剛方者立為族長如有匪類令其報官究
治倘瞻徇隱匿與保正一例治罪○五年覆準
紳衿一例編入保甲聽候稽察如抗不遵依比
照脫戶律治罪地方官徇情不詳報者照徇庇

例議處其保正甲長紳衿免充輪直支更看柵等役亦準免至齊民內有衰老廢疾及孤寡之家子孫尚未成丁者均準免支更看柵及一應差徭○又覆準各處大小船易於藏姦令地方官取其船戶隣右保結編列號數於船兩旁刊刻某處船戶某人姓名給以執照該船戶持照攬載地方及營汛官弁不時稽察其採捕漁船姦良更難分辨照陸路保甲之例以十船編為

一甲一船有犯盜竊者令九船公首若隱匿不報事發將同甲九船一并治罪至漁船停泊之處百十成羣多寡不等十船一甲之外如有餘船即以奇零之數編為一甲地方及營汛官弁隨時留心點驗不得虛應故事○又覆準保正甲長準免本身差徭如有借名武斷鄉曲者嚴察革究一切戶婚田土不許干與專一稽察盜賊及人命賭博等事○又覆準保甲之法苗民

謂之合椿除隔省並生苗地方或村寨相遠不
必合椿外其村寨附近令其合椿防守○十一
年議準臺屬多流寓之人除立有產業兼有父
母妻子者自有十家甲牌可稽其並無家室產
業如佃戶傭工貿易之類取具業主房主鄰右
保結附於甲牌之末彙報以備稽察○乾隆二
年議準編立保甲原為消弭盜賊務令保正甲
長逐戶稽察如有踪跡可疑者即行呈報倘有

瞻狗隱匿按律治罪至於塘汛兵丁原非徒供
差使實為弭盜安民而設各該督撫提鎮飭令
營汛官弁嚴飭塘汛兵丁晝則循環守望夜則
輪流巡邏如遇行踪詭秘逐加盤詰若有搶截
刦掠不能救護擒拏甚至盜賊出沒漫無知覺
者除將兵丁斥革重加責懲外該管官知情徇
隱者降三級調用失察者罰俸一年○四年議
準貧民入四川者聽其散居各府州縣佃種者

令業主出結貿易者市鄰出結依附親故者親
故出結寄居寺廟者留居之地主出結與土著
一并編入保甲互相覺察如有生事可疑之人
許原出結並鄉保鄰右人等首報○又議準江
南浙江福建府州縣內搭棚山居以墾地種麻
煽冶開爐造紙做菰等項為資生計者其閒土
著甚多亦有鄰省失業流寓之人均照保甲例
按戶編排責成地主並保長出具保結倘居住

星散不論棚數多寡自為一甲互相稽察○又議準廣東州縣民人有入山搭寮取香春粉砍柴燒炭為業者照保甲例編排每寮給牌一張令寮人互相保結擇老成謹慎者為寮長寮戶聽其鈐束遇有遷移加增寮長及互結之人將牌赴縣更正倘窩藏姦宍隱不報者發覺連坐營汛官弁每月撥兵巡察一次不許生事擾累內有未經報官搭寮居住者即送文職官察

審如漫不經心約束以致窩藏姦匪者照例議處○八年奏準山西陝西邊外蒙古地方種地民人甚多姦良難分即於種地民人內擇其誠實者每堡設立牌頭四名總甲一名令其稽察○十二年題準浙江玉環山管轄島嶼所有居住民人一例編立保甲並分別是農是漁不許濶雜○十三年覆準山西陝西邊外設立牌頭總甲令其稽察姦匪如有罪犯逃往蒙古地方

行竊並情有可疑之人即稟報該管官解回原籍該管官於春秋二季取具牌頭總甲並無容隱甘結注冊

一緝盜順治初年定武職各官諱盜不報者革職○又題準營汛官弁能獲大盜窩家者紀錄二次獲小盜窩家督撫提鎮酌量給賞如不實力察訪別經獲盜供出窩家將該管專汛官罰俸一年○十八年題準山海大盜千百成羣攻

陷城池官弁臨陣敗遁該督撫提鎮題叅照律治罪○又題準鎮店路塗被盜刦失餉鞘將護送營汛官弁革職○康熙四年題準盜案踈防將經制專汛官題叅不得以外委官題叅塞責○五年議準營汛官弁遇有盜案繫殺人刦物者務訊問明白一面追捕一面申報該管之上司以便通行緝拏若不申報或借名擒勦殺害良民者該官弁革職提問該提鎮於此等劣員

不申報總督及總督不即題叅者總兵官降一級留任提督罰俸一年總督交吏部議處如無總督省分聽提督題叅無提督省分聽總兵官題叅○又議準盜案失事限年緝拏各官若將未獲盜犯捏報死故者革職兼轄官不詳察轉報者罰俸一年督撫提鎮不詳察具題者罰俸六月○七年議準城內被盜刼掠殺傷官民並搶奪倉庫獄囚者專汛官住俸限一年緝拏全

獲開復限滿一名不獲降一級調用獲未全者
降一級留任再限一年緝拏全獲開復如仍未
全獲但能獲過半者再降一級留任未獲盜犯
照案緝拏全獲開復如二年限滿獲盜尚不及
半降二級調用若能於一月內獲盜一半者停
升未獲盜犯限一年緝拏全獲免議限滿仍不
全獲降一級留任未獲盜犯照案緝拏全獲開
復同城兼轄官皆照此例議處其同城副叅等

官作統轄題叅者照兼轄官例議處不同城兼轄統轄官初叅罰俸六月限一年緝拏限內獲一半者免議未獲盜犯照案緝拏若限滿不獲罰俸一年仍令照案緝拏同城提鎮罰俸六月限一年督緝限滿不獲罰俸一年○九年議準姦細出入境內專汛官不能察拏者降四級調用兼轄官降二級調用○十年題準總督題叅盜案本省限四月兼管省分限六月巡撫提鎮

題叅盜案限四月均以失事之日為始扣算具
題如有逾限專責具題之督撫提鎮計月處分
不分坐屬官○十一年題準盜賊偽稱名號侵
犯城池者事屬叛逆專汎兼轄各官皆革職總
兵官降二級調用提督降二級戴罪圖功若盜
賊聚集一二百人豎旗放礮焚燬鄉村搶刦擄
殺者專汎官革職兼轄官降二級調用總兵官
降二級提督降一級皆戴罪圖功聚集六七十

人焚燬鄉村搶刦擄殺者專汛官革職兼轄官降二級總兵官降一級皆戴罪圖功提督罰俸一年至盜賊聚集地方鄰近之提鎮並駐防官及副叅游各官不親領兵勦滅止差守備千把總未弁前往者各降二級調用其專汛兼轄統轄各官聞有盜賊聚集不遞行申報者皆革職督撫提鎮聞報不遣官兵會勦以致賊勢蔓延官兵失利者皆降三級調用若有此等盜賊竊

發即能勦撫淨盡者皆免議○又議準地方道路村莊被盜失事其設有墩鋪防兵者專汛官住俸限一年緝拏兼轄官罰俸六月限一年督緝限滿不獲專汛官降一級留任再限一年緝拏兼轄官罰俸一年盜犯照案緝拏三限不獲專汛官仍留任再限一年緝拏如再不獲降一級調用若繫偏僻村莊曠野道路向未設有墩鋪防兵者專汛官停升兼轄官罰俸三月皆限

一年緝拏限滿不獲專汛官罰俸一年再限一
年緝拏兼轄官罰俸六月三限不獲專汛官罰
俸二年再限一年緝拏四限不獲專汛官降一
級留任盜犯照案緝拏其副叅等官作統轄題
叅者照兼轄官例議處若兼轄統轄官獲盜一
半者免議專汛官獲盜過半兼獲盜首窩家者
亦免議至失事地方有無墩舖防兵該督撫提
鎮於題叅本內聲明以便分別察議○又議準

道路村莊被盜失事無論有無墩鋪防兵提鎮
皆不議處○又議準奉差及赴任官員被盜失
事無護送官兵者專汛兼轄官照地方被盜失
事例議處有護送官兵者若在該管地方又繫
所屬官兵護送將專汛官降二級調用兼轄官
降一級留任統轄官罰俸一年若被殺擄無護
送官兵者專汛官降二級調用兼轄官降一級
留任統轄官罰俸一年有護送官兵者專汛官

革職兼轄官降二級調用統轄官降一級留任
○又題準盜賊行劫事主於本日或次日據實
呈報該管官不即接受或接受不即申報及接
受呈報不即緝拏或追及盜賊不能擒獲致令
脫逃或不親身追捕止差弁兵前往者皆革職
若事主二三日呈報者盜賊已經遠遁止照地
方被盜失事例議處至附近營汛各官事主呈
報不即接受者革職如以非本管營汛不即緝

拏或追及盜賊不能擒獲致令脫逃或不親身追捕止差弁兵前往者降一級調用其盜賊經過營汛該管官止追出界外不能緝拏及不親率官兵追捕止差弁兵前往者降一級留任該督撫提鎮於題叅疎防本內將各官曾否接受申報及曾否親身追捕情由聲明如含糊隱飾後經察出將具題之督撫提鎮罰俸一年○又題準盜案疎防不將經制專汛官職名開報僅

以外委開報者開報官降二級調用轉報官降
一級留任具題官罰俸一年○又題準各標協
中軍官經管錢糧不作兼轄若失事繫該員營
汛地方者仍照例題叅疎防○又題準盜案失
事因公出境之官皆免議○十五年題準該管
營汛內遇有盜案彼此推諉不報皆照諱盜例
議處如已經申報復又推諉者推諉官降一級
調用轉詳官罰俸一年○二十一年議準

京城巡捕營有搶奪路行婦女及以藥物邪術迷拐男婦子女者失察專汛官罰俸一年兼轄官罰俸六月有匿名揭帖黏貼通衢專汛官不察拏者罰俸一年兼轄官罰俸六月○三十二年奉

旨官弁兵丁有擒拏盜賊中傷及傷亡者皆照陣傷陣亡例分別卹賞○三十五年覆準盜案處分有加級紀錄者皆準抵銷若於限年緝獲之後捐有加

級紀錄者不準抵銷○三十六年議準督撫提鎮題報盜案將獲盜月日備載本內如不開明具題者罰俸一年○三十七年議準盜案均於限內題叅疎防其有強竊仇盜疑似未明者限內報部存案俟文職審明如實繫被盜即將疎防各官察叅照例議處○四十一年議準近京地方被盜失事不先報地方官徑自報部遷延時日致盜逃脫者槩不準行○又議準

京城巡捕營地方竊賊掘門掘壁偷竊財物在該管營汛內拏獲或經別管營汛官兵拏獲者免議若經民人拏獲送究者將該管官罰俸三月

○又議準

京城前三門關廂內被盜失事將專汛守備兼轄叅將游擊皆降二級留任仍罰俸一年該汛千把總送部各責四十板馬步兵各責四十板皆限一年緝拏不獲專汛兼轄各官皆降三級調

用千把總革職兵丁革糧送刑部枷四十日責
四十板盜犯交與接任官限一年緝拏○又覆
準

京城前三門關廂內盜賊白晝搶奪財物傷人致
死該管營汛官弁當時全獲及一月內全獲者
免議一月內獲一半者專汛官罰俸一年兼轄
官罰俸六月如一月內無獲專汛官降二級調
用兼轄官降一級調用加級紀錄不準抵銷盜

賊交接任官照案緝拏該汛兵責四十板直省
城內盜賊白晝搶奪財物傷人致死該管營汛
各官照城內被盜失事例議處○又題準盜賊
潛匿居住該管地方不能察拏別經被獲供出
從前居住地方將該管專汛官降二級調用兼
轄官同城者降一級調用不同城者降一級留
任統轄官亦降一級留任○四十二年議準

京師五城地方光棍借端挾詐勒騙錢財攪擾市

肆行兇者責成巡捕營官弁察拏如知情不察
拏者革職得財私放捏稱逃脫者革職同兵皆
交刑部治罪失察者將該管叅將游擊各罰俸
一年守備千總把總各降一級調用至守備千
總把總拏獲光棍不即送叅將游擊衙門叅將
游擊不即送步軍統領者皆罰俸一年統領不
速審結經稽察御史叅奏按遲延月日議處○
又議準王公大臣官員等家人領本生理霸占

關津要地倚勢網利不令商民貿易挾制有司
干與辭訟肆行不法及民人借貸王公大臣官
員等銀指名貿易欺凌地方該管專汛官不察
拏者革職兼轄官降一級調用統轄官罰俸一
年至有此等霸占之事差官訪察仍復徇隱不
據實申報者革職○四十三年議準守備不作
兼轄至水師守備有帶兵輪防哨巡之責盜案
疎防同叅游一例議處○四十五年覆準老瓜

賊肆行不法營汛官弁差兵在該管地方晝夜
更番巡緝如不實力巡緝責四十板知情故縱
者照窩藏容隱例治罪能拏獲並出首者照拏
獲鄰境盜賊例給賞如營汛官弁不能稽察致
兵懈於巡緝降一級調用若能拏獲別汛老瓜
賊照拏獲鄰境盜賊例議叙○又議準道路掩
埋無主身屍有被勒戮傷形跡繫老瓜賊謀害
察驗確實將專汛兼轄統轄官題叅疎防照地

方被盜失事設有墩鋪防兵之例議處倘濫以
仇盜未明詳請立案者照諱盜例議處○五十
一年議準

京城前三門關廂內被盜失事一年內獲盜一半
者專兼各官皆免議如一年內獲不及半專兼
各官仍照例議處○五十二年議準官員兵丁
有擒拏盜賊中傷平復能當差者仍照陣傷例
給賞若中傷殘廢不能復當差者照八旗兵丁

例給與半分身價○雍正元年議準直隸四路捕盜同知地方被盜失事捕盜千把總於失盜之日即住俸停升一年限滿不獲責二十棍全獲開復如該汛地方三年並無盜案或三年內凡有盜案均能全獲者該督察明具題將千把總不論俸滿以應升之官即用○又議準廣東將軍督撫提鎮標下官弁有貼防地方者若附近村莊河道失事將貼防官弁并叅照專汛一

例議處○又議準地方不逞之徒軟血結盟為盜專汛官不察拏者革職提問如平日失察一遇發覺即能擒獲者免議○二年議準失事隱諱不報或以強為竊以多為少賄囑事主通同隱諱者專汛官革職兼轄統轄官扶同隱諱者降三級調用如止繫失察同城者降二級調用不同城百里以內者降一級調用百里以外者降一級留任提鎮知情者降一級留任失察者

罰俸一年均於題叅本內將知情失察及同城不同城並道里百里內外逐一聲明分別議處如專汛官隱諱兼統各官察出申報者免議○三年議準盜案必有為首之人承緝專汛官務獲盜首如盜首初限不獲雖獲盜過半仍罰俸一年再限不獲罰俸二年三限不獲降一級留任如盜首果繫病故有確據者準免議處若假借別州縣所獲之盜指為本案盜首或先報盜

首脫逃後經審出仍在該地方隱匿或捏報盜
首病故後於別案發覺者假借隱匿捏報官照
諱盜例革職○又議準承緝官能將一案盜犯
全獲者紀錄二次○又議準營汛官弁能於一
月內拏獲鄰境失事案內盜首者加一級紀錄
一次拏獲夥盜者每一名紀錄一次一月以外
拏獲鄰境失事案內盜首者加一級拏獲夥盜
者每二名紀錄一次其兵丁繫一月以內拏獲

鄰境失事案內盜首者賞銀二十兩拏獲夥盜者每名賞銀十兩一月以外拏獲鄰境失事案內盜首者賞銀十兩拏獲夥盜者每三名賞銀五兩均令原失事地方各官捐給若離任該督撫提鎮捐給○四年議準盜案實無窩家者即於招內聲明若審有窩家承緝專汛官必獲盜過半兼獲盜首窩家始免議處如限內止獲盜首並獲盜過半而窩家不獲者仍照不獲盜首

例議處倘實有窩家因畏避處分將窩家刪除者照諱盜例革職○五年議準餉鞘被盜失事地方專汛官革職留任限一年緝拏全獲開復如限內獲盜過半兼獲盜首者仍留任緝拏倘逾限一年獲不及半及雖獲半盜首未獲者革任未獲盜犯交與接任官緝拏同城兼轄官住俸限一年緝拏全獲開復限內不獲降一級調用不同城兼轄官初叅罰俸六月限一年緝拏

統轄官不論同城不同城皆照不同城兼轄官
例議處提鎮初叅罰俸三月限一年督緝限滿
不獲罰俸六月盜犯照案緝拏若一經失事當
即獲盜過半兼獲盜首者專汛兼轄統轄官皆
免議或經營汛及州縣各官當即獲盜過半兼
獲盜首者專汛兼轄統轄官亦皆免議未獲盜
犯照案緝拏○又議準解官押運餉鞘潛行小
路不由大道並不執票赴營汛挂號撥兵護送

者遇有失事該營汛官止照地方被盜失事例
議處○六年議準

京城巡捕營有奉

旨緝拏要犯並關繫重大盜賊等犯脫逃經管應捕
之官城外者責成專汛官住俸限一年緝拏一
月內拏獲者免議一年限滿不獲降一級調用
犯人交接任官緝拏若非經管應捕之官能於
一月內拏獲者一名紀錄二次一月以外拏獲

者一名紀錄一次○又議準地方被盜失事外
委千把總停其拔補限一年緝拏限滿不獲責
二十棍再限一年緝拏三限不獲革去頂帶仍
限一年緝拏四限不獲革去外委盜犯交與接
任官照案緝拏若能限內拏獲過半兼獲首窩
者免議獲盜過半首窩未獲者仍照例按限叅
處○又議準餉鞘到境如解官欲就小路行走
不遵營汛官弁勸阻該營汛官弁即詳報督撫

提鎮題叅如希免護送聽其行走小路將該營
汛官弁罰俸一年其解官執票赴營汛挂號該
營汛官弁不照定數撥兵及所撥之兵中塗私
回者解官徑報該督撫題叅將該營汛專管官
弁罰俸一年兵責革○七年議準衙署被竊該
員據實申報者免議其承緝承審之文職仍照
竊賊例處分若諱匿不報將該員降一級留任
限一年緝拏獲賊開復一年限滿不獲降一級

調用○八年議準城內及地方被盜失事該提鎮照定限察取疎防職名開報總督題叅無總督省分該鎮開報提督題叅無提督省分該管兼轄統轄官開報該鎮題叅如逾限不開報者罰俸六月○又議準前官諱盜之案接任官於到任三月內察出揭報者免議如逾限不能察出別經發覺將接任官革職留任接任兼轄官同城者降一級留任不同城者罰俸一年到任

未及三月者免議接署官亦照此例議處○又
議準前官去任未獲盜犯交與接緝官限一年
緝拏限滿不獲罰俸一年盜犯照案緝拏限內
但能獲盜雖不及半亦免議處獲過半者紀錄
二次全獲者紀錄三次若盜止二三名接緝官
於一年限內拏獲一半兼獲盜首及獲盜過半
者免其議處仍紀錄二次其僅獲一半盜首未
獲者止免議處毋庸議叙○又議準盜賊遠颺

他省潛匿居住已有實據經失事地方官關移
察緝該管專汛官不實力協拏致令輾轉窩藏
鄰境者降二級調用○九年議準衙署被盜失
事專汛兼轄統轄官皆照城內被盜失事例議
處○又議準衙署被盜失事據實申報者該督
撫提鎮依限題叅疎防照例議處諱盜不報者
革職仍留原任地方勒令出資懸賞與接任官
協同緝拏竢獲盜過半準其回籍○十年議準

盜案疎防均照該督撫提鎮題本議結有應開復者即準開復應議處者即行議處皆知照刑部存案如題審覆覈之時有諱報捏報等弊將專汛兼轄統轄官各照本例處分○十一年議準拏獲盜犯供出先次行劫之處審明即為行察若事主已經呈報將專汛各官照諱盜例議處事主未經呈報或失事未有實據者該督撫提鎮取具專汛兼轄統轄各官並無諱盜印結

報部無庸察駁卽照疎防例議處○又議準諱盜之案若盜全獲者各官皆免議○十二年議準竊賊一夥至十人以上雖不行強營汛官弁不能察拏照強盜例以疎防例察叅○又議準盜竊田野穀麥果菜及器物無人看守者專兼各官皆免察叅○十三年議準盜首未獲除見在勒緝限內例應扣限察叅者仍逐案察叅外至勒緝年限已滿照案緝拏後該督撫提鎮於

年終彙題將承緝接緝督緝各官一年內已獲
幾名未獲幾名詳晰聲明二三名不獲者罰俸
六月四五名不獲者罰俸九月六七名以上不
獲者罰俸一年○又議準凡遇十人以上竊案
以獲犯訊供之日起限將疎防各官察叅○又
議準因公出境各官遇有盜案疎防及失察等
事該督撫提鎮將該員於何月日因何事公出
之處聲明報部如並未因公出境捏報規避處

分者革職徇情轉報官降二級調用其升遷降調及有事故離任之人原任內遇有疎防失察等事果繫因公出境接任官察明具詳督撫提鎮報部倘不具詳誤將職名開送者罰俸一年轉報官罰俸六月○乾隆元年奏準

京師五城地方設立柵欄每處巡捕營撥步兵三名看守每日定以二更為度不許夜行以防盜賊除奉

旨差遣及部院衙門差遣外遇有延醫及生產嫁娶行走之人並緊要等事有鐙籠者方許驗放如無故夜行該兵拏獲於次日呈報該營解送步軍統領衙門責十五板○三年議準地方有光棍結夥輪姦婦女孩童之案犯人逃脫不獲專汛官照盜案例扣限四月察叅其初叅以後限內仍不能獲將專兼各官皆照地方被盜失事例分別議處倘專汛官諱匿不報及該上司徇

隱不叅照諱盜例分別議處○又議準地方有
兇徒結黨生事或雇募多人持械肆橫該管專
汛官知情故縱者革職失察者降一級留任○
又議準弁兵拏獲鄰境竊犯該管官察其所獲
多寡酌量記功鼓勵○四年議準

京城巡捕營地方竊案止將專汛官議處兼轄官
免其叅劾○又議準盜入城內搶奪倉庫獄囚
者不同城之提鎮亦罰俸六月○又議準承緝

接緝官能於照案緝拏之後年終彙題之先獲盜三名以上者紀錄一次六七名以上者紀錄二次督緝各官總計所屬之地方盜案一年內獲盜不及一半者罰俸六月過半者紀錄一次若承緝接緝督緝官一年內拏獲之數與不獲之數相當功過相抵無庸議處議叙至彙題一次之後即免重複叅處盜犯照案緝拏○又議準官員該管營汛內有竊賊臨時拒捕傷人者

若賊無獲並雖獲賊為首及下手之人未獲者
將專汛兼轄各官題叅疎防勒限緝拏照盜案
失事例分別議處其已獲為首及下手之人者
免叅疎防未獲賊犯照案緝拏如於限內將案
內賊犯全獲者紀錄二次○又議準道路村莊
盜賊白晝搶奪財物傷人致死若犯未獲及雖
獲犯而為首並下手之人未獲者該管營汛各
官照地方被盜失事例議處已獲為首及下手

之人雖夥黨未全獲者免叅疎防○六年奏準
京師五城巡捕營地方盜案於報官之日為始扣
限三月緝拏若逾限無獲都察院會同步軍統
領題叅○又奏準城內被盜失事外委千把總
初叅停其拔補限一年緝拏限滿一名不獲革
退外委獲未全者革去頂帶再限一年緝拏全
獲開復獲過半者仍留外委未獲盜犯照案緝
拏全獲開復如二年限滿獲盜尚不及半革退

外委未獲盜犯交與接任官照案緝拏○又奏
準被盜失事地方原未設有經制專汛官止令
外委巡防者督撫提鎮於本內聲明止將外委
官題叅疎防○又奏準兼轄官統計一年之內
所屬各員有拏獲鄰境盜犯議叙至加一級或
紀錄四次者由督撫提鎮察明咨部將兼轄官
紀錄一次再有多者照此遞加○又奏準被盜
失事官員因公出境經該管上司委官署理營

務者遇有盜案該督撫提鎮於叅本內聲明免其承緝處分回任之後照接緝官例察議盜犯照案緝拏若繫暫行差委未經委官署理營務者仍照承緝官例察議○又奏準署印官繫題署咨署者照承緝官例察議若暫行委署者照離任官例罰俸一年該督撫提鎮於題叅本內聲明分別察議○又議準地方有仇盜未明之案該管專汛官協同文職緝拏以呈報之日為

始限三月內訪察明白若不能察出仇盜實情者罰俸三月仍限一年緝拏限滿不獲照文職緝兇不力例議處○八年題準

京城巡捕營地方緝案以失事之日起限四月緝拏限內全獲及獲賊過半者免議限內無獲及獲不及半者將專汛官住俸限一年緝拏竣全獲或獲過半皆準開復若逾限不獲將專汛官罰俸一年賊犯照案緝拏○十年議準抹生折

割之犯殘忍狠毒該營汛官弁有能拏獲正犯者照拏獲鄰境首盜例議叙督緝之該管上司照協同拏獲之例議叙如犯事地方不能察拏經別營汛拏獲者將該管專汛及兼轄各官照不實力編排保甲例分別議處若此等兇犯潛匿該管營汛地方不能察拏或經人首告或經別處關會該管營汛官並不察拏或捏稱並無其人者照諱盜例革職○十五年議準地方有

關涉叛逆之犯向例承緝督緝各官均限以三年緝拏今減去一年將承緝之專汛官革職戴罪限二年緝拏不獲降二級調用犯人照案緝拏督緝之兼轄官降二級戴罪限二年緝拏不獲降一級調用統轄總兵官罰俸一年其接緝協緝各官以案發之日計算如未滿二年停其升轉緝拏竣滿二年將各官罰俸一年犯人照案緝拏以上各官若遇有

恩赦免其處分承緝者仍停升轉照例勒限緝拏以
案發之日算起計滿三年開復接緝協緝者不
停升轉犯人照案緝拏○十六年議準武職各
官緝盜是其專責地方一有盜案勒限緝拏不
獲議以降調惟是緝限未滿遇有事故離任者
向照離任官例罰俸一年完結以致限期屆滿
例應降調之人亦得借告請病假名色希圖倖
免嗣後武職及衛所各官承緝盜案除奉

特旨升調與迴避別補及別案革職降調丁憂治喪等事離任者仍照離任官例處分至告請病假並終養者如初叅未獲例應住俸處分既輕為期尚遠亦照離任官例議處外其二叅三叅例應降一級留任者遇有病假終養離任即議以補官日降一級留任三年開復四叅例應降一級調用者遇有病假終養離任即議以補官日降一級調用該督撫提鎮將各該員因何事離

任之處於題咨內隨案聲明以憑覈議○十七
年議準鄰境官弁有能拏獲發塚見屍為首兇
犯每名紀錄一次拏獲四名以上者加一級
一捕逃順治十一年議準衛所及營汛官弁獲
解八旗逃人十五名者加一級三十名者加二
級兼轄官視其所屬有獲解逃人三十名者加
一級六十名者加二級統轄總兵官所屬有獲
解逃人四十五名者加一級九十名者加二級

提督所屬有獲解逃人二百名者紀錄一次四百名者加一級再有多者各照此遞加總以一年一叙若不至加級紀錄之數者又并一年議叙仍不足者將前一年獲解之數截去仍留一年獲解之數於次年接算不準三年合算○又議準官員拏獲八旗逃人詳報總督提督給咨遞解屬巡撫總兵官轄者詳報巡撫總兵官給咨遞解該督撫提鎮均於每年四月內將所屬

官兵獲逃數目造具清冊二本一送部備案一
送刑部竅刑部覈明咨部議叙○康熙四十一年議準

京城巡捕營守備千總把總拏獲八旗逃人至六十名者加一級叅將游擊督率屬員拏獲逃人至百二十名者加一級再有多者照此遞加○
又議準近京地方有賣身旗下之人原有房產
守分度日於民人並無擾累者許令居住原無

房產者均令伊主收回若倚仗賣身旗下恣意橫行把持武斷賭博姦淫窩盜勾逃訐訟作證擾累民人者該管專汛官申報上司照逃人例察拏送部治罪若仍容居住不行申報專汛官罰俸一年兼轄官罰俸六月統轄官罰俸三月○乾隆三年議準八旗逃人居住衛所營汛地方該管官並不察拏別經發覺捕獲察其居住未過六月者免議已過六月者該管官降一級

留任過一年者降二級調用倘知情容留居住
不察拏者革職至兼轄官視其所屬二年內有
一官失察逃人者罰俸一年二官失察逃人者
降二級留任三官失察逃人者降二級調用統
轄總兵官所屬二年內有一官失察逃人者罰
俸九月二官失察逃人者罰俸一年三官失察
逃人者降一級留任四官失察逃人者降二級
留任五官失察逃人者降二級調用提督所屬

二年內有四官以下失察逃人者皆罰俸六月
五官以上失察逃人者降一級留任○五年議
準駐防逃人居住地方營汛官弁接到該旗及
各衙門移會即差兵役協同拏獲者免議如不
差兵役協拏以致脫逃察繫居住六月以內者
將該員罰俸二年至失察居住過六月一年及
知情容留仍照例分別議處

一緝私順治年間定地方行使廢錢專汛官不

察拏者一起降二級調用二起降四級調用至三起者革職○康熙十七年題準大夥賣販私鹽至十人以上帶有軍器專汛官徇縱不拏者革職兼轄官降二級調用失察者專汛官革職留任兼轄官降二級留任皆限一年緝拏獲半即準開復限滿不獲專汛官革任兼轄官降二級調用其本汛雖未拏獲經別汛全獲亦免議不全獲者仍照例議處○又議準官弁一年內

拏獲十人以上帶有軍器大夥私鹽者一起紀錄一次二起紀錄二次三起加一級四起加二級至五起者不論俸滿即升兼轄官視其所屬一年內有拏獲三起者紀錄一次六起紀錄二次九起加一級再有多者照此遞加○三十九年覆準私鹽拒捕能全獲者各官皆免議若夥黨衆多不能全獲或獲二三名及兵被殺傷專兼各官初叅免其處分限一年緝拏限滿不獲

專汎官罰俸一年兼轄官罰俸六月統轄官罰俸三月鹽犯照案緝拏○四十四年議準小夥販賣私鹽不及十人及十人以上不帶軍器者專汎官失察一次降二級二次降四級皆留任至三次者革職兼轄官一次降一級二次降二級三次降三級皆留任至四次者降三級調用○雍正三年議準地方私鑄錢及將制錢私煨專汎官知情者革職治罪失察者一起降三級

調用二起革職兼轄官一起降一級二起降四級皆調用至三起者革職統轄官一起降一級二起降二級三起降三級皆調用至四起者革職提鎮一起降一級二起降二級三起降三級皆留任四起降四級調用至五起者革職如有從前失察今能拏獲不論年月遠近免議文職拏獲同城之武職並免議交界之所經別屬之員拏獲者亦免議其拏獲私鑄私燬不論本管

及別屬地方一起紀錄一次二起紀錄二次三起紀錄三次四起加一級○又議準經紀鋪戶將私錢販賣攬和行使不察拏之專汛官一起降三級調用二起革職兼轄官一起降二級留任二起降四級調用至三起者革職統轄官一起降一級二起降二級皆留任三起降三級調用至四起者革職提鎮一起罰俸一年二起降一級三起降二級皆留任四起降三級調用至

五起者革職船戶夾帶私錢押船官知情者革職失察者降三級調用○六年議準地方礦徒私自聚集該管官知情隱匿者革職平日失察及經發覺並不實力察拏以致全無捕獲者降三級調用獲不及半者降二級留任限一年緝拏全獲開復限滿僅獲半者降一級調用獲不及半者降二級調用未獲之犯交與接任官照案緝拏如一經發覺比即獲犯過半降一級留

任餘犯限一年緝拏全獲開復限滿仍止獲過
半者罰俸一年餘犯照案緝拏○十年議準山
東山西河南等省出產硝黃有結夥私行販賣
者不論出產及經過地方失察之專汛官照失
察小夥私鹽例議處船戶夾帶者押船官照夾
帶私鹽例議處○乾隆六年奏準失察小夥私
鹽降級留任各官限一年緝拏限滿無獲專汛
官罰俸一年兼轄官罰俸六月各帶所降之級

再限一年緝拏限滿無獲專汛官再罰俸一年
兼轄官再罰俸六月各帶所降之級鹽犯照案
緝拏○十四年奏準天津阿城淮安儀徵等處
原繫產鹽地方該督撫轉飭地方營汛官弁於
糧船經過之時嚴行稽察舵丁水手應需食鹽
每船總不許出四十斤之外如不實力稽察以
致舵丁水手夾帶過四十斤以外者運官照例
議處該營汛官弁罰俸六月○十六年議準各

省武職官弁經上司委辦鹽務即有緝私疏引之責遇失察大小私鹽將承辦官照專汛例議處總辦官照兼轄例議處如拏獲大夥私鹽照所獲起數分別議叙

一禁賭原定官員賭博及開場容留賭博者皆革職治罪○雍正九年議準稽察屬官賭博專汛官責之兼轄官兼轄官責之統轄官如明知不揭叅者別經發覺將稽察官降三級調用若

失察繫同城者降一級留任不同城者罰俸一
年察出揭叅者免議○又議準地方有製造賭
具之家不察拏者專汛官革職兼轄官革職留
任統轄官降一級留任若繫舊製賭具藏留在
家專汛官在任半年不察拏者降一級調用○
又議準地方有製造賭具之家經官弁拏獲察
繫新製未及半年者專汛官加二級兼轄官加
一級統轄官紀錄二次○又議準地方有描畫

紙牌之家不察拏者專汛官降二級調用兼轄
官降二級留任統轄官罰俸一年若將描畫紙
牌出境販賣販賣地方專汛官不察禁者罰俸
三月拏獲之員照拏獲賭具例議叙○又議準
本汛有製造賭具之家經別處訪聞察拏本汛
協同拏獲或本汛有製造賭具之人攜往別處
販賣經本汛訪聞察拏而彼處協同拏獲者此
等協拏情由由拏獲之人申報該督撫察覈於

疏內聲明皆免失察處分○六年奏準專汛官失察民人賭博者每案罰俸一月○又奏準民人賭博專汛官能察拏及經同城文武官察拏者免議因公他出者亦免議○又議準拏獲賭具之人隨本案議叙其該管兼轄統轄官統竢察明所屬一年內別無失察製造賭具及舊製賭具販賣賭具與失察賭博等事將所屬拏獲賭具之案於歲終彙冊報部分別起數議叙如

所屬一年之內但有一案失察者將別案拏獲
賭具槩不準議叙如屬官有失察等案該管兼
轄統轄官皆察出揭叅者將揭叅之官仍按起
數議叙倘兼轄統轄官因所屬拏獲賭具希圖
議叙將該屬別案失察徇隱不報者降二級調
用○十一年議準官員拏獲賭具繫武職拏獲
免同城文職處分文職拏獲免同城武職處分
若經接壤鄰境拏獲其製造賭具地方之該管

官繫失察未過半年者免議至並非接壤鄰境及失察已過半年者如曾經差人協拏免議未經差人協拏者仍照例議處○又議準後任官拏獲造賣賭具之人其前任官如失察未及半年離任者免議失察已過半年者仍照例議處若將失察已過半年之前任官捏報未及半年改移日月代為掩飾者除將該員拏獲之案不準議叙外仍降一級調用未經察出之兼轄官

罰俸一年統轄官罰俸六月能察出者免議至
拏獲之後接任官到任半年以內因賭博發覺
究出製造賭具或舊存牌版刷印不過半年即
能拏獲者均準議叙其應議處議叙各官該督
撫察明前後官到任離任日期均於題咨內聲
明○又議準官員將鄰境新製賭具未及半年
之案協同拏獲者每起紀錄一次至四起者加
一級同屬該管上司管轄者上司功過相抵不

準議叙○十二年議準失察賭博之專汛官於
照例議處時將該員從前拏獲賭具議叙之加
級紀錄悉行注銷如該員已經數任後有失察
賭博之案將前任內拏獲賭具議叙之加級紀
錄一并注銷其該管各上司除因所屬別員拏
獲賭具議叙之加級紀錄不必注銷外如因失
察賭博之屬官從前拏獲賭具同案議叙之加
級紀錄亦悉行注銷若該員失察賭博時該上

司先已離任或該員調任別省其失察之處已與原上司無涉所有該上司從前因該員議叙之加級紀錄免其注銷至上司本身失察賭博仍將從前所有自行拏獲賭具議叙之加級紀錄並因屬官拏獲賭具議叙之加級紀錄悉行注銷其失察製造賭具舊製賭具並販賣賭具等案皆照此例○十三年覆準拏獲賭具如繫舊製存留或雖新製而失察已過半年止免失

察處分不準議叙倘將舊製存留賭具捏報新製及失察已過半年而捏報在半年以內者將捏報官降二級調用濫行轉報之兼轄官降一級調用不加詳察之統轄官罰俸一年至兼轄統轄各官能將捏報情由察出揭叅者其本案如兼轄統轄例應議叙即將揭叅之兼轄統轄官照例議叙如例不應議叙既能揭叅準免議處○乾隆五年議準官員同城拏獲製造賭具

者不分文武將首緝之人加二級協拏之人紀錄二次首緝兼轄統轄官照例議叙協拏之兼轄統轄官不準議叙此等協拏情由拏獲之人申報督撫察覈於題咨內聲明分別議叙若並未協拏捏報協拏者革職扶同捏報之兼轄官降二級調用統轄官罰俸一年提鎮罰俸六月若兼轄官據詳轉報並非有心扶同者罰俸一年如地方有造賣賭具之人該專汛官漫無覺

察經兼轄統轄官拏獲者將失察之人議處拏獲之人照例議叙○九年議準拏獲賭具議叙不論文武每案止準首緝一人協拏一人如有以三四人題請濫邀議叙者除不議叙外仍將題請官照例議處○十四年奏準地方有製造賭具之家經營汛官弁於半年內拏獲者因其可以搜索銷燬拔本清源自應照例優叙若繫拏獲經過販賣之賭具與拏獲製造者有間止

將首緝之人加一級協拏之人紀錄一次其該
管兼轄統轄官於歲終彙冊報部察明所屬有
議叙加一級者兼轄官紀錄二次統轄官紀錄
一次

巡防

一海外巡防康熙二十八年議準水師總兵官
不親身出洋督率官兵巡哨者照規避例革職
○四十三年覆準廣東沿海地方以千把總會

哨副叅游每月分巡總兵官於每年春秋二季
出洋總巡○四十七年覆準江南蘇松狼山兩
鎮各於本管洋面親身總巡每歲一輪將出洋
回汛日期呈報該督提察覈○又覆準浙江定
海溫州黃巖三鎮出洋總巡每年定於二月初
一日起至九月底止○五十年

諭朕於水陸兵丁年久深悉其情事船至海洋必俟風
候若不候時不察風汛而欲强行必至兵船同損官

兵皆繫朕歷年養育之人如遇有賊自應効死若無賊而徒以巡哨受傷實為可惜該總兵官須留意於此大加謹慎欽此○五十一年議準海洋巡哨官弁盤獲形迹可疑之船如人數與執照不符並貨物與稅單不符者限三日內稽察明白如繫賊船交與地方官審究果繫商船即速放行申報該上司存案如以賊船作為商船釋放或以商船作為賊船故意稽遲擾害者皆革職索取財

物者革職提問該上司察出揭叅者免議如釋
放賊船該上司失察者照失察諱盜例議處稽
遲擾害商船該上司失察者照失察誣良為盜
例議處○五十三年覆準各營巡哨船刊刻某
營某字某號舵工水手人等各給與腰牌備書
姓名年貌籍貫○又覆準山東與

盛京對峙水師官兵各巡本管洋面金州之鐵山
舊旅順新旅順海帽坨蛇山島並頭雙島虎坪

島筍子溝天橋廠菊花島等處皆繫

盛京所屬令該將軍委撥官兵巡哨北隍城島南
隍城島欽島砣磯島黑山島廟島長山島小竹
島大竹島至直隸交界武定營等處止並成山
頭八家口之眾島崆峒島養馬島至江南交界
等處止皆繫山東所屬令登州總兵官委撥官
兵巡哨至鐵山與隍城島中間相隔一百八十
餘里其中並無泊船之所自鐵山起九十里之

內

盛京官兵巡哨自隍城島起九十里之內山東官兵巡哨如遇失事各照地界題叅○又覆準官弁駕船巡哨如船被賊焚刮者革職提問船仍著落賠補若實繫遭風擊碎該管上司察明出結詳報該督撫提鎮保題免其賠補動支錢糧修造倘有捏報情弊將該官弁革職提問濫出結之該上司革職保題之督撫提鎮降一級留

任○五十五年覆準福建水師提標五營澎湖
水師二營臺灣水師三營分撥兵船各書本營
旗號每月會哨一次彼此交旗為驗如由西路
去者提標哨至澎湖交旗澎湖哨至臺灣交旗
皆送臺灣鎮察驗由東路來者臺灣哨至澎湖
交旗澎湖哨至廈門交旗皆送提督察驗如某
月無旗交驗遇有失事照例題叅○五十六年
覆準福建臺灣兩協副將歲率三船親身出洋

總巡各本管洋面兩協游守分巡各本汛洋面
海壇金門二鎮各分疆界為南北總巡每歲提
標撥出十船以六船歸巡哨南洋總兵官調度
四船歸巡哨北洋總兵官調度其臺澎二協副
將金門海壇總兵官均於二月初一日起至九
月底止期滿撤回至各營分巡官兵挨次更換
如遇失事各照例題叅○五十七年覆準廣東
南澳屬閩粵交界瓊州孤懸海外南澳總兵官

及瓊州水師副將各率營員專巡各本營洋面
自南澳以西平海營以東分為東路以碣石鎮
總兵官澄海協副將輪為總巡率領鎮協標員
及海門達濠平海各營員為分巡自大鵬營以
西廣海寨以東分為中路以虎門香山二協副
將輪為總巡率領二協營員及大鵬廣海各營
員為分巡自春江協以西龍門協以東分為西
路以春江龍門二協副將輪為總巡率領二協

營員及電白吳川海安硃洲各營員為分巡共
分為三路每年分為兩班巡察如遇失事照例
題叅○雍正三年議準官弁出海巡哨如有洋
面失事隱諱不報者該將軍督提訪實題叅革
職○四年題準直隸天津水師官兵於四月起
至九月止駕船出洋巡哨○八年議準福建浙
江巡哨官兵船挨次兩月更換如風潮不順到
汛愆期統竢陸續到汛交代具報該上司察覈

遇有叅處之案憑報文內職名揭叅○又議準各省沿海營汛原分水陸水師惟在大洋遊巡其陸路濱海塗岸潮退膠淺為水師巡船之所不到其中各色小艇隨潮飄泊或有暗載違禁貨物甚至乘機偷刦此等所在設立小號巡船○九年議準凡巡海船於未出口之前取同船兵丁不敢搶物為匪連名甘結在船該管官加結申送該上司存案回哨日仍取同船兵丁在

洋並無搶物為匪扶同隱匿事發願甘並坐甘
結送該上司察覈如弁兵在洋搶奪商人財物
該管官不繫同船失於覺察照失察營兵為盜
例議處若通同庇匿革職提問督撫提鎮不題
叅者照徇庇例議處○十二年奏準沿海外洋
凡官兵巡哨及因公差委如有遭風受困沒水
登岸幸獲生全者官準軍功加一級外委於補
官日加級兵丁並食名糧之舵工水手皆照軍

功頭等傷例給賞其或飄沒身故者官以見在
職任照陣亡例分別廕贈給與祭葬銀外委及
兵丁並食糧之舵工水手亦照陣亡例分別給
與祭葬銀其奉調考驗之官弁兵丁照軍功例
各減一等凡船內舵工水手有被淹身故者如
繫雇募之人照軍功二等傷例子卹其擊碎之
船槳免賠補若繫在內洋巡哨因公差委及停
泊海口島嶼等處或修造戰船遭風擊碎亦免

賠補其遭風受困幸獲生全者官準軍功紀錄
二次外委於得官日紀錄兵丁人等照軍功二
等傷例減半給賞其飄沒身故者官照陣亡例
減一等分別廕贈減半給祭葬銀外委及兵丁
人等亦照陣亡例減半給與祭葬銀至應給祭
葬銀如無妻子親屬領受者給銀二兩該督撫
提鎮遣官致祭其在黃河大江洞庭洪澤等湖
皆繫危險地方官兵因公差委及領運弁丁下

婦人等遭風受困或幸獲生全或漂沒身故所有加級紀錄廕贈卹賞皆照外洋之例行此內旗丁與步兵同○十三年覆準福建南澳鎮左營及金門鎮之銅山洋汛歸南澳鎮巡察每年上班巡期委右營守備與廣東鎮協會哨左營游擊與海壇金門兩鎮會哨該總兵官駐鎮彈壓下班巡期委右營游擊出巡總兵官親率兵船與兩鎮會哨以左營游擊留營彈壓○乾隆

元年覆準廣東西路洋面分為上下二路自春
江至電白吳川碇洲為上路上班以春江協副
將為總巡下班以吳川營游擊為總巡率領春
江電白吳川碇洲各營員為分巡均於放雞洋
面會巡至碇洲一帶自海安至龍門為下路上
班以海安營游擊為總巡下班以龍門協副將
為總巡率領海安龍門各營員為分巡均於瓊
州洋面會巡所屬一帶至上路之電白營游擊

上班隨巡聽春江協副將統領電白營守備下
班隨巡聽吳川營游擊統領如遇本營洋面失
事分別題叅○十二年奏準江南海洋每年二
月至九月蘇松鎮標中左右奇四營之游守八
人分為四班每營游擊各巡兩月各營守備與
游擊錯綜換班每人隨游擊分巡兩月川沙吳
淞二營之叅將守備共四人每人分巡兩月未
輪班之各營委撥弁兵駕舟隨巡至於十月至

正月令鎮標四營川吳二營每營各管二十日
如有失事將分管之營題叅該鎮總兵官仍親
身巡察所有出洋回汛日期報督提稽考狼山
鎮標於二月初一日起右營游擊率領中左右
三營官兵在於內外洋面巡哨至九月底期滿
回營該鎮總兵官亦親身巡察將出洋回汛日
期報督提稽考○十七年議準山東省登州鎮
水師每年五六月間官兵出洋南北東三

汛各在該管地界彼此往來巡防其沿海陸路
營汛亦令不時瞭望不許怠惰推諉○又議準
江南省蘇松狼山二鎮各有所管洋面皆繫一
望汪洋並無島澳可收僅能暫時寄碇每年分
委將備輪班出巡飭發令箭逐汛交傳設立印
簿填明接到月日仍令該鎮總兵官不時出洋
上下梭織巡察○又覆準福建省海壇鎮於三
月初一九月初一日與金門鎮會哨於涵頭港

五月十五日與浙江溫州鎮會哨於鎮下關金門鎮於三月初一九月初一日與海壇鎮會哨於涵頭港六月十五日與南澳鎮會哨於銅山大澳南澳鎮於六月十五日與金門鎮會哨於銅山大澳會哨之期總督豫遣標員前往指定處所等候如兩鎮同時並集即取聯銜印文繳送或一鎮先到點驗兵船取具印文先行繳報即準開行一鎮後到別取印文繳送總以兩鎮

赴指定處所為準如遲至半月以後不到者察
緊無故偷安即行叅處至分巡洋汛相離本不
甚遠一月會哨一次該鎮總兵官差員取結通
報如有違誤即行揭叅若徇隱及失察者一并
叅處○又覆準浙江省定海鎮於三月十五九
月十五日與黃巖鎮會哨於健跳汛屬之九龍
港五月十五日與江南崇明鎮會哨於大羊山
黃巖鎮於三月初一九月初一日與溫州鎮會

哨於沙角山三月十五九月十五日與定海鎮
會哨於九龍港温州鎮於三月初一九月初一
日與黃巖鎮會哨於沙角山五月十五日與福
建海壇鎮會哨於鎮下關其會哨之期總督豫
遣標員前往指定處所等候及兩鎮出具印文
繳送之處均照福建之例行○又覆準廣東省
水師各營總巡指地定期會哨如同時並集聯
銜具文通報倘因風信不便先後參差先到者

即具文通報巡回本路洋面後到者亦於到日具文通報巡回本路洋面至分巡各官每月與上下鄰境會哨一次或先西後東或先東後西豫為酌定一經會合即聯銜通報如有懈怠捏飾即令總巡官揭叅

一內河巡防雍正七年覆準四川自巫山至三江口綿亘二千餘里所有一帶水塘設立巡船交與汛官更番巡哨該管官弁不時稽察○十

年議準江南江西沿江營汛官弁上下往來巡緝每月彼此會哨二次對換令箭為憑將會哨日期報明督撫提鎮稽考分巡之上再設總巡狼山總兵官每月委官二人東巡至廖角嘴西巡至京口京口將軍每月委官二人東巡至狼山西巡至江寧江寧將軍每月委官二人東巡至京口江南總督每月委官一人西巡至安慶安慶巡撫每月委官二人東巡至江寧西巡至

江西交界江西南昌總兵官九江副將每月各
委官一人巡至江南交界九江副將每月委官
一人巡至湖廣交界所到日期皆報明督撫提
鎮稽考倘不按期接界會巡將委出巡哨官降
一級調用兵丁責革○又議準湖廣興國道士
汛二營東巡至江西交界西巡與武昌城守營
會哨武昌城守營與岳州營上下往來巡緝會
哨施州營東巡與岳州營會哨西巡至四川交

界其報明督撫提鎮及不按期接界會巡處分
悉照兩江之例行○又議準各省江河中流要
處一例設立巡船官兵往來游巡其船造入該
營交代冊內遇有盜案照海洋行船被刦例議
處

一緝捕海盜順治初年定沿海督撫提鎮嚴飭
官弁及內地所屬地方官將海盜立法擒拏務
期淨盡如果無海盜令該管各官按季具結申

督撫提鎮報部倘出結之後此等海盜經別汛
拏獲供出從前潛匿所在將供出之該管汛口
地方官降二級調用○康熙十一年題準海盜
侵犯城池殺傷兵民專汛兼轄各官皆革職鎮
守總兵官降二級調用提督降二級戴罪圖功
焚燬鄉村刦虜男婦殺傷兵民者專汛官革職
兼轄官降二級調用鎮守總兵官降二級提督
降一級皆戴罪圖功若兼轄各官聞報退縮不

前往緝拏者革職提鎮聞報不即領兵會剿者
降二級調用盜船飄突奪虜同往追緝官不相
救援率師徑返以致官兵損傷者革職提問專
汛官降二級兼轄官降一級皆戴罪圖功提鎮
罰俸一年海盜乘夜入城殺傷兵民專汛官擊
盜受傷盜即退遁者專汛官仍降二級兼轄統
轄官仍各降一級皆戴罪圖功○四十六年題
準江浙閩廣海洋行船被盜無論內外洋面將

分巡委巡兼轄官各降一級留任總巡統轄官
各罰俸一年盜限一年緝拏不獲將分巡委巡
兼轄官各降一級調用總巡統轄官各降一級
罰俸一年如被盜地方有專汛之官照分巡官
例議處其巡哨期內本汛並無失事別能拏獲
海盜一船者將專汛分巡委巡兼轄官各紀錄
一次拏獲二船者將專汛分巡委巡兼轄官各
紀錄二次總巡統轄各官紀錄一次拏獲再多

者照數遞加○五十三年議準

盛京海洋以佐領防禦驍騎校為分巡協領為總巡如有行船被盜由該將軍題叅將分巡總巡各官照江浙閩廣之例議處○五十五年議準海洋緝盜較陸地倍難無論內外洋面但能獲一半者各官皆免議處○五十六年議準山東海洋行船被盜照江浙閩廣之例議處○又議準山東登州南汛失事以分巡千把為專汛膠

州游擊為兼轄北汛失事以分巡千把為專汛
登州守備為兼轄東汛失事以分巡千把為專
汛成山守備為兼轄○雍正三年議準洋面失
事巡哨各官恐嚇賄囑不行通報者照諱盜例
議處○七年議準盜從外洋答在出洋巡哨之
官將守口官免議至外洋行劫之後散夥登岸
濶冒入口守口官弁失於覺察者罰俸一年其
有盜由海口內奪船出洋行劫將失察守口官

升降一級留任盜犯限一年緝拏全獲開復限
滿不獲照所降之級調用若本案盜犯經別汛
拏獲定以三年之內有能拏獲別汛盜船或本
汛並無失事者該督撫具題準其開復○八年
議準廣東將軍總督提鎮各標輪撥官兵駕船
游巡附近河道遇有失事在巡能獲盜過半者
免其議處若疎防四月限期未滿先已回營盜
尚無獲將游巡官照離任官例議處接巡之官

能將盜犯拏獲照接緝官例議叙不獲亦照接緝例議處皆免限年緝拏其盜犯令該地方專汛官承緝接緝至陸路於每年八月起至次年二月止亦輪撥官兵裹糧游巡不許擾累遇有失事亦照河道游巡例議處○十三年議準海洋接緝盜案之官如繫兩月三月一輪巡哨者初次巡期不獲記過圖功下次輪巡仍不獲罰俸三月繫四月一輪巡哨者初次巡期不獲亦

記過圖功下次輪巡仍不獲罰俸六月在洋巡緝半年者回哨無獲罰俸六月一年在洋偵捕者限滿不獲罰俸一年盜犯皆照案緝拏○乾隆六年奏準海洋接緝官如限內但能獲盜雖不及半皆免處分若能拏獲盜首夥盜者照陸路接緝獲盜例分別議叙

一巡哨各船順治初年定戰船哨船以新造之年為始三年小修五年大修十年拆造若未經

屆期詳請修造者出詳官降二級調用轉報官
降一級調用具題官罰俸一年○又議準武官
看守戰船損壞二船者降二級留任三四船者
降二級調用五六船者降四級調用七船以上
者革職該督撫提鎮仍不時委副叅等官巡察
其官兵所乘之船若未戰以先既戰以後閒住
之時即交替戰官看守統兵大員不時委官巡
察如有損壞埃凱旋日將看守官亦照前例議

處○康熙二十九年題準外海戰船哨船自新
造之年為始閱三年小修小修後三年大修大
修後三年尚堪修理想用者仍令大修如不堪
修理題明拆造內河戰船哨船自新造之年為
始閱三年小修小修後五年大修大修後三年
仍行小修小修後三年尚堪修理想用者仍令
大修如不堪修理題明拆造○四十二年覆準
沿海各營汛有島有嶼應分定船數以備官弁

駐守游巡○直隸外海趕繒船八

天津駐防左營

盛京趕繒船六

旅順水師營

○山東外海趕繒船十

登州

鎮標前營八

小脚船十有二

登州鎮標前營

雙

蓬船二

成山汛二

○江南外海趕繒船二十有六

蘇松鎮標中左右及奇兵營各五

狼山鎮標右營六沙船三十有五

蘇松鎮標

中左右及奇兵營各七

狼山鎮快哨船四

蘇松鎮標

中左右及奇兵營各一

沙吳淞營各三

快哨船四

鎮標

營

水船二

川沙

犁船二

川沙

船四

吳淞

營

內河趕繒船四

狼山鎮標中左營
各一東海營二

沙船三十

有五

提標右營三狼山鎮標中營一左營二瀏
河福山東海泰州營各四廟灣佃湖營各

三鹽城小關營各二
太湖左營二右營一

唬船三十有四

狼山鎮標
中左營各

三廟灣營三佃湖鹽城瓜州東海營
各二小關營一太湖協左右營各八

哨船八
提標

右營四瀏河
鹽城營各二

巡船七十有二

提標右營十有六
太湖協左營二十

四右營十有二福山營十
有六佃湖鹽城營各四

快船九

太湖左營四
右營三小關

營
二四櫓哨船一

提標
右營

沙唬船十有六

京口左營
十右營六

鋸犁沙船七十有六

京口水
師營

○江西內河沙船

八南湖水
師營
唬船三十有八
南昌水師營十南湖

水師
營五
○福建外海趕繒船一百五十有一
督標

營二水師提標中右營各六左前後營各八金
門鎮標左營八右營七海壇鎮標左右營各十

南澳鎮標左營八閩安協左右營各五烽火門
四銅山營六臺灣水師協中右營各十左營八

澎湖協左右營
各十淡水營二
船船一百三十有一
水師提標

七左前後營各六金門鎮標左右營各九海壇
鎮標左營六右營七南澳鎮標左營五閩安協

左右營各六烽火門九銅山營十臺灣水師
協中右營各六左營四澎湖協左右營各八平

底船二十
海壇鎮標左右營各三南澳鎮標左
營二臺灣水師協中右營各三左營

六 槳船二十有六

督標水師營四水師提標中營五右營二左前後營各四

銅山 營三 快哨船四

閩安協左

雙蓬船四

督標水師營

船哨船二

烽火門

○浙江外海趕繒船十有六

提標

右營二定海鎮標中左右營各一黃巖鎮標右

營二溫州鎮標中營一左營二瑞安協左右營

各一玉環右營一鎮

水艍船三十有一

定海鎮標中左

海營一昌石汛二

營各五右營四黃巖鎮標中左右營各二溫州

鎮標中左營各二瑞安協左右營各一玉環左

右營各一乍浦 雙蓬船五十有八

提標右營二定海鎮標中右營各四左營五黃巖鎮標中左營各五

右營三溫州鎮標中左營各六瑞安協左營三

右營二玉環左營一右營二乍浦營四寧海左營四昌石汛二快哨船四十有

五提標右營二定海鎮標中營四左營二右營三黃巖鎮標中左右營各三温州鎮標中左

營各二瑞安協左右營各二玉環左營二右營一乍浦營四鎮海營六寧海左營二昌石汛二

八槳船四玉環左右巡船六定海鎮標中左右營各一黃巖鎮標

中左右營各一釣船三十有六提標右營二定海鎮標中左右營各四黃巖鎮

標中左右營各二温州鎮標中左右營各二瑞安協左右營各一玉環左右營各一乍浦營二

鎮海營二寧海左內河大唬船四渡馬船六錢塘營二昌石汛二

水師快唬船二十有一錢塘水師營十有一沙嘉興協左右營各五

船七

太湖營六台

哨船九

提標前營五象山

快

船十有八

太湖營八湖州協左右營各五

大舸船一小舸船四

台州協

右營

巡船八十有四

嘉興協左右營各十湖州協左營九右營十安

吉營一象山協左右營各三磐石營二紹興協

右營二太平營四平陽協左右營各一衢州鎮

標中營九左營三右營二城守營三嚴州

協左右營各三大荆營三金華協右營二小巡

船六十有七

太湖營二十嘉興協左營十有五右營十湖州協左營十有四右營

七安吉

營一

○湖廣內河戰船一百四十有四

宜昌鎮標

四十荆州水師營二十漢陽城守營十有一均房營二洞庭水師協四十二岳州水師營二十

四常德城
守營五
巡船三十有四
黃州協五武昌城守營十有一荊州城守

營四水師營四興國營一蕪
州營三道士沱澧州營各三
哨船九
黃州協一常德城守

營
八沙船十
荊州水師營
虎戰船十有四
漢陽城守營
小舢

民船十有一
宜昌鎮標
巡江船五
襄陽鎮標三城守營二
○廣

東外海趕繒船八十有四
碣石鎮標中左右營二十六南澳鎮標右

營九大鵬營九虎門協六龍
門協二十瓊州協十有四
船船六十
香山協五春江

協四雷州協一澄海協十有一平海營九新安
營二廣海寨二電白營七海安營五硃洲營八

崖州
營六
彪仔船十有七
南澳鎮標右營六海門營八達濠營三
拖風

船五

吳川營

內河漿船三百九十有三

將軍標左右前後營

十督標中左右前後營十有八撫標左右營十提標中左右前後營二十五左翼鎮標中左右

營四十八右翼鎮標中左右營六碣石鎮標中

左右營二潮州鎮標中左右營七肇慶協五忠

州協三虎門協三十六香山協二十七春江協

九雷州協五龍門協七羅定協四瓊州協二黃

岡協四澄海協五肇慶營二十六平海營四大

鵬營九增城營二新會營二十六海門營四新

安營二廣海寨十吳川營二海安營十有三潮

州營八饒平營十潮陽營四東莞營十有六四

會營三英清營十有三化石

營二連濠營二海防營四

○雍正十年議準

各省修造戰船由督撫提鎮委副叅會同文職

道府領價督修委都司協同文職府佐等辦料
修造如繫將軍標下之船委叅領以下等官同
領同辦凡屆修造之年各該營於五月前將應
小修大修拆造之船分晰呈報該上司照例題
咨承修官照額定小修大修拆造價直備具冊
結支領江南江西福建浙江湖廣東等省於
屆修兩月之前領銀備料臺灣瓊州於四月前
領銀備料天津山東於八月前領銀備料各該

營均於屆修前一月底將船駕赴廠所承修官
即於次月興工依限報竣如該營員於屆修造
之年不依限申報及屆修之前一月底不將船
駕赴廠所者皆照遲延事件例議處若承修官
玩視船工將價直延挨請領者降一級調用該
上司故意留難以致遲延者將該上司降二級
調用承修官免議○又議準修造戰船不如式
堅固及未至應修年分損壞者著落承修官賠

六分督修官賠四分仍將承修官革職督修官
降二級調用至小修限四月完工大修拆造限
六月完工倘有貽誤船工違限未及一月者承
修官罰俸一年督修官罰俸六月將軍督撫提
鎮罰俸三月一月以上者承修官降一級調用
督修官罰俸一年將軍督撫提鎮罰俸六月兩
月以上者承修官降二級調用督修官降一級
留任將軍督撫提鎮罰俸一年三月以上者承

修官降三級調用督修官降一級調用將軍督撫提鎮降一級留任四月以上者承修官降四級調用督修官降二級調用將軍督撫提鎮降二級留任五月以上者承修官革職督修官降三級調用將軍督撫提鎮降三級留任○又議準承修官將未經修完之船捏報完工者革職督修官降二級調用將軍督撫提鎮降一級調用如承修官詳報未完督修官以完工轉報者

督修官革職承修官照限議處承修督修官詳報未完將軍督撫提鎮以完工具報者將軍督撫提鎮革職承修督修官照限議處○又議準船屆修造之期該管官不將船上什物交明致頭舵兵丁人等偷竊因而短少殘闕者除頭舵兵丁人等治罪追賠外將該管官降一級調用該上司不揭叅者降一級留任至交船之時頭舵兵丁人等有藉端勒索者照例治罪將該管

官照衙役犯贓例議處若官弁藉端勒索者革職提問該上司明知不揭叅者降二級調用○

乾隆三年議準修造內河巡哨船照戰船扣限如有逾違不及一月者免議一月以上者承修官罰俸六月兩月以上者罰俸一年三月以上者罰俸二年四月以上者降一級留任五月以上者降一級調用督修官違限一月以上者罰俸三月兩月以上者罰俸六月三月以上者罰

俸一年四月以上者罰俸二年五月以上者降
一級留任○五年

諭東南沿海一帶如山東江南福建浙江廣東廣西
等省皆設有戰船以為海防之備今承平日久官
弁漸覺疎忽朕聞戰船數目竟有報部之虛名而
十分之中不免闕少二者至於大修小修之時
每因船數太多難以察覈該營官弁及州縣官通
同作弊將所領帑銀侵蝕入己報修十船其實不

過七八船而又塗飾顏色以為美觀仍不堅固且更有不肖官弁令子弟親屬載販外省或賃與商人前往安南日本貿易取利者以朕所聞如此雖未必各省皆然亦難保必無其事可傳諭該省督撫提鎮等嗣後嚴行稽察加意整頓務令諸弊盡除以重海防倘將來再有風聞經朕特遣大臣前往察出虛冒廢弛則該管之大員咎亦難辭欽此○十四年議準各省外海內河水師戰船哨

船修竣經督撫提鎮驗後令承修官將船身長
闊丈尺並船內一應器具寬厚尺寸造具清冊
送督撫提鎮鈐印存營毋於歲終委官按冊盤
察同軍裝器械一并出結保題如有滲漏損失
照例題叅○十七年覆準戰船出洋必需加用
頭巾插花借助風力駕駛始能迅速應一例製
備以資巡哨除江南省沙唬巡快等船福建省
船船等船皆輕便易使毋庸製備又廣東省虎

門協營海道紆迴砂礁錯雜不必製備外其餘沿海各省一應戰船皆製備頭巾插花所需工料銀於營中公費及司庫備公銀內動支每屆該船修造之時將頭巾插花一例造報修換仍將用過工料報部覈算

欽定大清會典則例卷一百十五